


UNIVERZITET U SARAJEVU  
Institut za historiju  
Komisija za izbor višeg stručnog saradnika



#### VIJEĆU INSTITUTA ZA HISTORIJU UNIVERZITETA U SARAJEVU

Na osnovu člana 29. Zakona o naučnoistraživačkoj djelatnosti („Službene novine Kantona Sarajevo" br. 16/06) i člana 93. Statuta Univerziteta u Sarajevu, Vijeće Instituta za historiju je aktom broj 01-01-242/18 od 06. 03. 2018. godine imenovalo Komisiju za izbor u stručno zvanje viši stručni saradnik za oblast moderne historije u sastavu:

1. Dr. Edin Radušić, vanredni profesor Filozofskog fakulteta Univerziteta u Sarajevu za oblast svjetska i bosanskohercegovačka historija - novi vijek i savremeno doba, predsjednik,
2. Mr. Aida Ramić, viši stručni saradnik za oblast moderne historije u Institutu za historiju, član,
3. Mr. Edin Omerčić, viši stručni saradnik za oblast moderne historije u Institutu za historiju, član,

Komisija je zaprimila akt (Potvrda) Instituta br. 03-01-232/18 od 05. 03. 2018. godine, kojim joj se dostavlja kompletan konkursni materijal s prijavama kandidata, kao i potvrdu sekretara Instituta za historiju kojom se potvrđuje da se na konkurs za izbor u zvanje viši stručni saradnik za oblast moderne historije u Institutu za historiju, objavljen u dnevnom listu Oslobođenje dana 07. 02. 2018. godine, prijavilo ukupno šest kandidata: mr. Sabina Veladžić, Emira Muhić, MA, Alen Zečević, MA, Azra Koldžo, MA, Arijana Ibričić, MA i Semir Hambo, MA. U pomenutom aktu sekretar konstatira da prijava Azre Koldžo nije usklađena s uvjetima konkursa u pogledu završenog fakulteta, a da su ostale prijave potpune i usklađene s uvjetima utvrđenim konkursom.

Nakon što je detaljno razmotrila pristigle prijave Komisija podnosi slijedeći

## IZVJEŠTAJ

Poslije detaljne analize zaprimljenog konkursnog materijala Komisija o prijavljenim kandidatima iznosi podatke i zaključke relevantne za izbor u zvanje viši stručni saradnik za oblast moderne historije.

- 1. Mr. Sabina Veladžić** rođena je 19. 5. 1977. godine u Sarajevu gdje je završila osnovnu i srednju školu. Godine 2005. diplomirala je na Odsjeku za historiju Filozofskog fakulteta Univerziteta u Sarajevu i stekla stručni stepen profesor historije. Na istom je fakultetu u periodu od 2007. do 2011. godine pohađala postdiplomski studij iz Historije Bosne i Hercegovine u 19. i 20. stoljeću koji je završila 7. 9. 2011. odbranom magistarskog rada "Bošnjaci u Bosni i Hercegovini od 1990. do 1992. godine: uzroci i sredstva nacionalne homogenizacije", čime je stekla naučni stepen magistra historijskih nauka. Diplomski studij završila je s prosječnom ocjenom 9,4, a postdiplomski s prosjekom 9,5. Akademske 2012/2013. upisala je doktorski studij na Odsjeku za historiju Filozofskog fakulteta Univerziteta u Sarajevu, smjer Historija Bosne i Hercegovine u XIX i XX stoljeću. Dana 11. 1. 2018. uspješno je odbranila radnu verziju doktorske disertacije "Bosna i Hercegovina i njeni nacionalno-kulturni fenomeni u javnim, kulturnim i naučnim raspravama i publicistici (1967-1974)", nakon čega je disertacija predana u dalju proceduru. 2. jula. 2005. dobila je Zlatnu značku Univerziteta u Sarajevu za najboljeg studenta na Filozofskom fakultetu. Kandidatkinja je od 2006. do 2017. radila u Institutu za historiju u Sarajevu, prvo kao pripravnik pa onda u zvanjima stručnog saradnika i višeg stručnog saradnika.

Kandidatkinja je uz prijavu na konkurs priložila bibliografiju i radove kojima dokazuje svoje naučnoistraživačke sposobnosti. Mr. Sabina Veladžić je u historiografski prepoznatljivim publikacijama (časopisima i zbornicima radova), štampanim u Bosni i Hercegovini, Hrvatskoj i Turskoj, do sada objavila sedam izvornih naučnih članaka i šest osvrtu ili prikaza knjiga. Učestvovala je na većem broju naučnih konferencija, skupova,

seminara i tribina u Bosni i Hercegovini, Austriji, Turskoj i Srbiji od čega na njih devet s referatom.

#### **Objavljeni članci:**

- Homogenizacija Bošnjaka kroz *Preporod* 1990, u: *Rasprave o nacionalnom identitetu Bošnjaka* (uredio dr. Husnija Kamberović). Zbornik radova, Sarajevo, 2009, 185-217.
- Destabilizacija Bosne i Hercegovine krajem osamdesetih godina 20. stoljeća – „stvaranje preduslova“ za tronacionalnu dezintegraciju, *Historijska traganja*, br. 7, Institut za istoriju, Sarajevo, 2011, 201-229.
- Kretanje ka nultoj tački – politički narativ SDA 1990-1992. kao temelj Kulture sjećanja Bošnjaka, u: *Kultura sjećanja: 1991. Povijesni lomovi i svladavanje prošlosti* (uredio Tihomir Cipek). Zbornik radova, Zagreb, 2011, 299-312.
- Slučaj „Gordog posrtanja“ 1969. godine – društveno-politički odjeci i rasprave, *Prilozi*, br. 45, Univerzitet u Sarajevu, Institut za historiju, Sarajevo, 2016, 201-230.
- Idejno (re)definiranje fenomena književne Bosne u Bosni i Hercegovini krajem 1960-ih i početkom 1970-ih, u: *Prilozi historiji Bosne i Hercegovine u socijalističkoj Jugoslaviji* (uredio Husnija Kamberović). Zbornik radova, Sarajevo, 2017, 145-184.
- Who are Bosnian Muslims – literary narratives about Bosnia and Bosnian Muslims in the period of socialist Yugoslavia, u: *Balkan Tarihi ve Kültürü Sempozyumu* (uredio: Aşkin Koyuncu). Zbornik radova, Çanakalle, 2017, 342-352.
- Dalekosežne polemike Maka Dizdara, *Journal*, br. 202-203, KDBH „Preporod“, rujan/listopad, Zagreb, 2017, 30-33.

#### **Objavljeni prikazi naučnih, stručnih publikacija i konferencija:**

- Robert J. Donia, *Sarajevo: biografija grada*. (Naslov originala *Sarajevo: A Biography*). Prijevod s engleskog Daniela Valenta. Sarajevo: Institut za istoriju, 2006, 462 str., *Prilozi*, br. 36, Institut za istoriju u Sarajevu, Sarajevo, 2007, 211-216.
- Osman Brka, *SDA-ljudi i događaji u političkom pokretu Bošnjaka*. Sarajevo: Vijeće Kongresa bošnjačkih intelektualaca, 2007, 680., *Prilozi*, br. 38, Institut za istoriju u Sarajevu, Sarajevo, 2009, 307-311.

- Safet Bandžović, *Bošnjaci i antifašizam. Ratni realizam i odjek rezolucija građanske hrabrosti (1941.)*. Sarajevo: Autorovo izdanje, 2010, 467 str., *Prilozi*, br. 40, Institut za istoriju u Sarajevu, Sarajevo, 2011, 395-397.
- Hannes Grandits, *Obitelj i socijalne promjene u hrvatskim selima (18.-20. stoljeće), Studije slučaja Bobovac i Lekenik*, Zagreb: FF-press, 2012, 291., *Prilozi*, br. 42, Institut za istoriju u Sarajevu, Sarajevo, 2013, 251-254.
- Daniel Barić, *Proziran i prezren Njemački jezik u hrvatskom društvu u prvoj polovici 19. stoljeća*, Zagreb: Leykam international d.o.o., 2015, 383., *Prilozi*, br. 45, Univerzitet u Sarajevu-Institut za historiju, Sarajevo, 2016, 355-357.
- Jugoslavija u istorijskoj perspektivi (prikaz konferencije „Jugoslovensko iskustvo i budućnost regiona“), *Oslobođenje* (online), utorak, 24.10.2017.

**Komisija zaključuje** da se radi o kandidatkinji koja je u svom školovanju imala odličan uspjeh (na dodiplomskom studiju prosjek ocjena 9,4 a na postdiplomskom studiju 9,5) i o dobitnici zlatne značke Univerziteta u Sarajevu. Sabina Veladžić stekla je naučno zvanje magistra historijskih nauka i odbranila radnu verziju doktorske disertacije. Kandidatkinja je u dosadašnjem radu pokazala zavidne naučnoistraživačke sposobnosti i već se uspjela afirmirati u bosanskohercegovačkom historiografskom krugu. Iz do sada objavljenih radova (7 članaka, 6 prikaza i osvrt), magistarskog rada i doktorske disertacije se da zaključiti da kandidatkinja obrađuje naučno i društveno veoma potrebne, a historiografski nove, izazovne i zahtjevne teme iz bosanskohercegovačke historije socijalističkog perioda. U njima pomjera granice tradicionalnog razumijevanja primarnih izvora a primarnost izvora određuje odnosom izvora i teme na konkretnom mjestu. Pokazala je da je veoma uspješno savladala zanat historičara - u njenim radovima je vidljiv visok stepen analize, kritike i interpretacije izvora, kritičkog mišljenja, multiperspektivnosti i sinteze. Prezentacija naučnoistraživačkih rezultata je na visokoj razini. Iako se u njenim radovima radi o temama koje nose opasnost monoperspektivnog pristupa, društveni i samopritisak, u smislu kreiranja poželjne slike prošlosti, kandidatkinja se u velikoj mjeri dobro nosi s tim izazovima. Njeni radovi su s pravom postavljeni u jugoslavenski kontekst, povremeno rekonstruiraju a češće dekonstruiraju prošlost i narative o prošlosti, u nekim radovima teorijske rasprave se uspješno integriraju

u konkretno historijsko događanje i obrnuto, a citati iz izvora daju dodatnu snagu argumentacijskoj liniji zaključivanja. Kandidatkinja samostalno donosi zaključke i ocjene tretiranih historijskih pojava.

## **2. Emira Muhić, MA**

Emira Muhić rođena je 1. 7. 1987. godine u Višegradu. Srednju školu, Gimnazija Dobrinja, završila je u Sarajevu 2006. godine. Prvi ciklus studija u trajanju od šest semestara/tri akademske godine (180 ECTS bodova) završila je 24. 6. 2009. godine na Odsjeku za historiju Filozofskog fakulteta Univerziteta u Sarajevu i stekla stručno zvanje Bakalaureat/Bachelor historije. Kandidatkinja je prvi ciklus studija završila prosječnom ocjenom 7,80. Drugi ciklus studija – naučni smjer (oblast novi vijek) u trajanju od četiri semestra/dvije godine (120 ECTS bodova) također je završila na Odsjeku za historiju Filozofskog fakulteta Univerziteta u Sarajevu. Navedeni studij kandidatkinja je završila prosječnom ocjenom 8,14 i stekla zvanje magistar historije – naučni smjer (oblast novi vijek). S obzirom da kandidatkinja nije dostavila bibliografiju objavljenih radova iz oblasti za koju se vrši izbor niti neki drugi dokaz o objavljenim radovima Komisija konstatira da Emira Muhić do sada nije objavila nijedan naučni ili neki drugi rad. S toga Komisija ne može donositi zaključke o kandidatkinjinim pokazanim naučnostručnim sposobnostima, izuzev konstatacije da je određeni nivo stručnih sposobnosti pokazala pisanjem i odbranom završnog rada na drugom ciklusu studija (“Žena u socijalizmu u Bosni i Hercegovini od 1945. do 1971. godine prema časopisu “Nova žena”), koji se sistemski ocjenjuje opisno (“ispunio obaveze”) bez preciznijeg gradiranja kvalitete rada. **Komisija zaključuje da je kod kandidatkinje prosjek ocjena na prvom ciklusu studija niži od prosjeka ocjena zahtijevanog uslovima Konkursa i Zakonom o naučnoistraživačkoj djelatnosti (član 31).**

3. **Alen Zečević, MA**, rođen je 1989. godine u Zenici. Nakon gimnazije kandidat je 2013. s prosječnom ocjenom 7,81 završio diplomski („predbolonjski“) studij na Fakultetu humanističkih nauka "Džemal Bijedić" u Mostaru, Odsjek za historiju (stekao stručni naziv profesor historije), da bi na istom Fakultetu 2017. završio Drugi ciklus studija s prosječnom ocjenom 8,33. Studij je završio odbranom magistarskog rada na temu „Uloga Husage Ćišića u društvenom i političkom životu Bosne i Hercegovine i Bošnjaka“.

Kandidat je autor osam radova koje je objavio u stručnim i naučnim časopisima i zbornicima radova. Uglavnom se radi o preglednim radovima pisanim na osnovu relevantne literature i štampe. **Komisija zaključuje da kandidat pokazuje interes za istraživanje ranog novog vijeka, novog vijeka i modernog doba, ali da je prosjek ocjena na diplomskom studiju niži od prosjeka ocjena zahtijevanog uslovima Konkursa i Zakonom o naučnoistraživačkoj djelatnosti (član 31).**

4. **Azra Koldžo, MA**, rođena je 1991. godine u Sarajevu. Nakon gimnazije kandidatkinja je 2014. godine s prosječnom ocjenom 8,57 završila Pravni fakultet Univerziteta u Sarajevu, da bi Drugi ciklus studija završila na Katedri za pravnu historiju i komparativno pravo Pravnog fakulteta Univerziteta u Sarajevu s prosječnom ocjenom 9,67. Drugi ciklus studija završila je odbranom rada na temu "Akcija Raduša 1972: historijsko-pravna analiza". S obzirom da kandidatkinja nije dostavila bibliografiju objavljenih radova iz oblasti za koju se vrši izbor niti neki drugi dokaz o objavljenim radovima Komisija konstatira da Azra Koldžo do sada nije objavila nijedan naučni ili neki drugi rad. **Komisija na osnovu prosjeka ocjena u toku visokoškolskog obrazovanja zaključuje da se radi o potencijalno kvalitetnoj kandidtkinji, ali da njene diplome ne odgovaraju uvjetima Konkursa u pogledu završenog fakulteta.** Konkursom je kao jedan od minimalnih uvjeta tražen završen filozofski fakultet ili drugi fakultet s odsjekom za historiju.
5. **Arijana Ibričić, MA**, rođena je 20. jula 1988. godine. Nakon srednje škole kandidatkinja je 2011. godine završila Prvi ciklus studija na Odsjeku za historiju Filozofskog fakulteta Univerziteta u Sarajevu i stekla stručno zvanje Bakalaureat/Bachelor historije. Drugi ciklus studija – nastavni smjer u trajanju od četiri semestra/dvije godine također je završila na Odsjeku za historiju Filozofskog fakulteta Univerziteta u Sarajevu. Navedeni studij kandidatkinja je završila prosječnom ocjenom 7,79 i stekla zvanje magistar historije – nastavni smjer. S obzirom da kandidatkinja nije dostavila bibliografiju objavljenih radova iz oblasti za koju se vrši izbor niti neki drugi dokaz o objavljenim radovima Komisija konstatira da Arijana Ibričić do sada nije objavila nijedan naučni ili neki drugi rad. S toga Komisija ne može donositi zaključke o kandidatkinjinim

pokazanim naučnostručnim sposobnostima, izuzev konstatacije da je određeni nivo stručnih sposobnosti pokazala pisanjem i odbranom završnog rada na drugom ciklusu studija (“Oblici političkog nasilja u SSSR-u do 1939.”), koji se sistemski ocjenjuje opisno (“ispunio obaveze”) bez preciznijeg gradiranja kvalitete rada. **Komisija zaključuje da je kod kandidatkinje prosjek ocjena na drugom ciklusu studija niži od prosjeka ocjena zahtijevanog uslovima Konkursa i Zakonom o naučnoistraživačkoj djelatnosti (član 31), a da kandidatkinja nije dostavila dodatak diplomi za prvi ciklus studija s prosjekom ocjena.**

6. **Semir Hambo, MA**, rođen je 24. 6. 1988. godine u Foči. Nakon srednje škole Prvi ciklus studija u trajanju od šest semestara/tri akademske godine (180 ECTS bodova) završio je 2009. godine na Odsjeku za historiju Filozofskog fakulteta Univerziteta u Sarajevu i stekao stručno zvanje Bakalaureat/Bachelor historije. Kandidat je prvi ciklus studija završio prosječnom ocjenom 8,67. Drugi ciklus studija – naučni smjer (oblast srednji vijek) u trajanju od četiri semestra/dvije godine (120 ECTS bodova) također je završio na Odsjeku za historiju Filozofskog fakulteta Univerziteta u Sarajevu 2011. Navedeni studij kandidat je završio prosječnom ocjenom 9,29 i stekao zvanje magistar historije – naučni smjer (oblast srednji vijek). Drugi ciklus studija završio je odbranom završnog diplomskog rada “Bosna i Dubrovnik u doba bosanskog bana Mateja Ninoslava”.

Kandidat Semir Hambo je uz prijavu na konkurs priložio radove kojima dokazuje svoje naučnoistraživačke sposobnosti. Objavio je dva naučna rada koja je priložio uz ostale dokumente. Oba rada obrađuju tematiku iz historije srednjovjekovne Bosne. U pisanju autor se koristio referentnom naučnom literaturom i izvorima te je pokazao da je savladao korištenje naučnog aparata što je važno za uspješan rad naučnika/istraživača. Naučni afinitet za historiju srednjovjekovne Bosne može se vidjeti i na osnovu priloženih prikaza koji se mahom svi odnose na zbornike i knjige iz srednjovjekovnog perioda te su objavljeni u referentnim naučnim časopisima. **Komisija na osnovu prosjeka ocjena u toku visokoškolskog obrazovanja i pokazanom naučnoistraživačkom interesu zaključuje da se radi o potencijalno kvalitetnom kandidatu. Međutim, obzirom da konkurs predviđa objavljene radove iz oblasti za koju se vrši izbor, a dostavljeni**


radovi se odnose na drugu oblast, Komisija nije mogla značajnije uzimati u obzir do sada objavljene radove kandidata.

**Prijedlog za izbor u zvanje:**


Na osnovu naprijed iznesenih podataka o kandidatima, njihovim dosadašnjim postignućima tokom visokoškolskog obrazovanja, pokazanim naučnoistraživačkim sposobnostima i rezultatima stručnog i naučnoistraživačkog rada, a u skladu s uvjetima utvrđenim Konkursom i važećim Zakonom o naučnoistraživačkoj djelatnosti i pratećim propisima, Komisija jednoglasno zaključuje da se po svim navedenim elementima od svih prijavljenih kandidata kvalitetom izdvaja kandidatkinja mr. Sabina Veladžić. Ona je tokom visokoškolskog obrazovanja postigla najbolje rezultate (prosjeck ocjena na diplomskom studiju iznosi 9,4, a na postdiplomskom studiju 9,5), pokazala je zavidne naučnoistraživačke sposobnosti, jedina ima naučni stepen magistra historijskih nauka i u proceduri je odbrane doktorske disertacije, ima u recenziranim publikacijama objavljene izvorne naučne radove iz oblasti za koju je konkurs raspisan. **Uzevši u obzir sve navedeno u cjelini Izvještaja, Komisija sa zadovoljstvom predlaže da se Sabina Veladžić, magistar historijskih nauka, izabere u stručno zvanje viši stručni saradnik za oblast moderne historije u Institutu za historiju Univerziteta u Sarajevu.**

Sarajevo, 16. 3. 2018.


Komisija:



Prof. dr. Edin Radušić, predsjednik



Mr. Aida Ramić, član



Mr. Edin Omerčić, član